



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 79. Quid præterea notandum sit circa Parochos, Parochias & curata
Beneficia.

urn:nbn:de:hbz:466:1-42600

nisterium; indignus, cui deest aliqua ex qualitatibus ad ministerium requisitis, seu qui non potest satisfacere tali muneri.

§. II. Ille non semper est dignior, qui est sani- 598
etior vel doctior, uti expresse S. Th. 2. 2. q. 185. a. 3.
in O. & ad 3. Item q. 63. a. 2. in O. Et quamvis quis
quoad aliqua sit minus dignus, tamen potest censem-
ri esse dignior, v. g. si sit ex patria & gratior populo;
si non sit implicatus tot negotiis externis; si sit eligi-
bilis, alter autem deberet postulari; si habeat majo-
rem experientiam &c. Diana p. 3. t. 5. R. 110. Hinc
etiam recte notat Lugo de just. d. 35. n. 2. pro majore
dignitate simpliciter statuenda spectandas esse cir-
cumstantias, nam saepe preferenda est doctrina pie-
tati, uti si quis inter haereticos sit futurus Parochus:
è contrà saepe preferenda probitas & exemplaris vita
doctrinæ, maximè inter Catholicos; & idem est de
aliis talentis, v. g. concionandi, canendi, conversan-
di, respectivè ad tempora & loca, in quibus erit. Addit
Barb. de Off. Parochi c. 2. n. 109. judicari debere,
quod adultior sit dignior quam juvenis, Doctor
quam non Doctor, non habens beneficium quam
habens, sacerdos quam non sacerdos, nobilis
quam ignobilis, dispensatione non indigens quam
egens, dives quam pauper, si Ecclesia sit indigens &c.
Vide etiam Leur. p. 2. q. 193. n. 3. & q. 293. n. 2. Item
dicta n. 576.

Q. 79. Quid præterea notandum sit circa Pare- 599
chos, parochias & curata beneficia. R. seqq.

§. I. Parochus videtur dici à græcorάχοικος, accol-
feu incola, eò quod Parochi collocentur inter eos,
quorum quoad animas curam gerunt, Barb. de Ju-
re Eccl. l. 1. c. 1. n. 13. Et Parochia significat locum
certis finibus limitatum, complectentem familias
saltē decem, uti vult Barb. c. 20. n. 16., aut si jam
erecta

erecta fuerit parochia , decem personas , uti habet Corr. l. 3. c. 5. n. 10., in quo loco habitet populus deputatus tali Ecclesiæ , quæ per hoc dicitur parochialis , quod in ea unus aliquis authoritate Episcopi constitutus exercere debeat curam animarum tali Ecclesiæ assignatarum. Notat autem recte Corr. n. 3. contra Lott. L. 1. q. 20. à n. 55. sicuti non omne beneficium curatum est parochiale , ita nec omnem Ecclesiam curatam esse parochialem , si enim duo perves vel simul ex officio exerceant curam animarum in aliqua Ecclesia , uterque erit curatus sed neuter Parochus , nec Ecclesia erit parochialis , attamen erit curata ; signa autem Ecclesiæ parochialis sunt , si habeat certos limites vel familias sibi deputatas , quæ diebus festivis ibi audiant Missam , recipiant Sacra menta , ibi sepeliantur ; si in ea affervetur Eucharistia , fiant oblationes , dentur decimæ , &c. Barb. n. 22. Notat etiam Laym. ad Cap. statutum , de Elect. in 6. & ad Cap. 3. de Postul. n. 1. nomine parochialis non venire in odiis Ecclesiam , quæ simul est Collegia ta , uti nec dignitates habentes parochiam annexam aut curam habitualem tantum : videri tamen debet Luca de benef. d. 14. n. 7. d. 16. d. 24. à n. 6. d. 77. n. 3. & d. 952.

600 §. II. Providendus de parochia scire debet lingua seu idioma loci , in quo est parochia , alioquin provisio est nulla , uti dicetur n. 790.

§. III. Parochus non potest amovibiliter præfici parochiæ , uti declaravit Sacra Congreg. apud Gonç. ad Reg. 8. Cancel. Gl. 5. §. 6. n. 60. & Corr. c. 9. n. 39 , quia sicuti matrimonium carnale non contrahitur ad tempus , ita nec spirituale , quamvis hoc semper maneat dissolubile ; si tamen parochia sit unita Monasterio vel alteri loco vel beneficio , potest per Vicarium temporalem provideri , Luca ad Trid. d. 9. n. 1.

§. IV.

§. IV. Beneficia, præsertim curata, non debent 601
 diu vacare, Cap. *Ne pro defectu*, de Elect. Cap. *Vt*
circa, de Elect. in 6., Cap. *Si apostolica*, de præb.
 in 6. His non obstantibus, si Sedes Episcopalis vacet,
Garc. Corr. Lott. & alii apud *Leur.* p. 1. q. 171. do-
 cent collationes beneficiorum spectare ad Papam &
 non ad Capitulum, nisi essent beneficia simultaneæ
 collationis Episcopi cum Capitulo, *Leur.* p. 2. q. 708.
 & seqq. Parochialis autem tunc vacans in mense Or-
 dinarii, reservatur Episcopo successori, si ad Episco-
 sum spectabat providere, *Gonz. Garc. Leur.* q. 711.:
 potest tamen Capitulum indicere & habere concur-
 sum, sed electio dignioris reservatur Episcopo suc-
 cessori, *Molina*, *Castrop.* apud *Leur.* ibidem: & se-
 cundum *Laym. Az. Rebuff. Leur.* ibidem, potest
 Capitulum constituere œconomum aut commenda-
 re ad sex menses: de cætero, beneficia Sede vacante
 vacantia in mensibus Ordinarii, etiam per Concordia
 Germaniæ reservantur Episcopo successori,
Leur. q. 709., & Capitulum nequidem de devolu-
 tis potest providere, *Az. Barb. Garc. Castrop. Leur.*
 q. 712. contra *Zerol. Lambert. Mol.* & alios.

§. V. Si Sedes Apostolica vacet, Episcopus aut 602
 quivis alias habens jus ordinarium confert paro-
 chias, alioqui Papæ reservatas, non tamen alia bene-
 ficia curata, uti nec habitu tantum parochialia, Cap.
Si apostolica, de præb. in 6. *Gonz. Corr. Leur.* p. 1.
 q. 172., sed per Concordia possunt Episcopi aliique
 collatores in Germania tum providere de omnibus
 beneficiis, etiam si in mense Papali incipient vacare,
Chok. Pirb. Leur. q. 174. Quid autem dicendum sit,
 si beneficium jam ante mortem Papæ vacaverit, di-
 stum est n. 498.; si tamen sit parochiale & Papa ante
 suum obitum de eo non providerit, is, ad quem or-
 dinariè pertinet, potest liberè de eo providere, Cap.
Si Apostolica, suprà.

T 5

§. VI.

653 §. VI. Parochialia beneficiā provideri debent per concursum, uti dicetur n. 610. Et quamvis id non fiat, tamen omnes admittendi ad beneficia curata debent ante possessionem examinari ab iis, quos Episcopus constituerit, *Parif. Garc. Barb. Castrop.* t. 13. d. 3. p. 2. §. 4. n. 10. Etiam examinari debent, qui volunt præfici parochiis unitis Monasterio exempto, *Luca ad Trid. d. 32. n. 36. Leur. q. 209.* Etiam illi examinari debent, qui à Patronis laicis presentantur, uti habet *Trid. Ses. 24. c. 18. de Refor.* Nec refert, quod constet de alicujus idoneitate quoad omnina, v. g. quia est doctor Theologiæ aut etiam Vicarius in spiritualib[us], quia examen spectat ad formam provisionis, *Parif. Garc. Corr. Lott. Leur. q. 207.* Etiam meritò iterum examinatur Parochus ad aliam parochiam transferendus, quia qui idoneus fuit, potest per oblivionem, soscordiam vel aliam causam, factus esse inidoneus, aut defecisse in moribus, *Laym. ad Cap. Ex literis, de Constit. n. 2. Garc. p. 6. c. 2. n. 253. & 266. Luca de Parochis d. 6. n. 6.*, aut major doctrina fortè necessaria est ad alteram difficiliorē parochiam. Quod si beneficium, sit tantum, secundariò curatum, adhuc videtur præmittendum examen, uti observatum est in dioceſi Monasterienſi, ne curam fuscipiat, qui fortè ineptus est, & post obtentum plenum jus in re cum majoribus incommodis removeri debeat.

654 §. VII. Si quis in primo examine pro beneficio curato non reperiatur idoneus, videtur posse illi concedi tempus pro præparatione ad aliud examen, & si tum reperiatur idoneus, provideri: & ita vidi praetificari, quidquid in contrarium dicant *Garc. & Leur. q. 200.*, verificatur enim, quod per examen reperiatur idoneus, nec verba videntur odiosè restringenda ad examen unicum.

§. VIII.

§. VIII Parochus etiam in concursu & sine re- 605

strictione approbatis potest ex causa revocari ad examen, v. g. si ad sit prudens suspicio oblivionis, si se nimium effundat ad occupationes exteriores, si negligat studium, si in praxi saepe male procedat: & ubi non bene subsisteret, suspendi potest à Cura, quia spectat ad officium Episcopi providere, ut semper idonei curam administrent, *Ricc. Gonz. Barb. Lugo, Luca & alii cum Leur. p. I. q. 210.*

§. IX. Quomodo & sub qua poena teneantur re- 606

sidere Parochi, dictum est l. 3. p. I. n. 736, & specia-
tim de poenis, Vide *Leur. q. 388. & seqq.* Quod si pa-
rochus emaneat diu ultralicentiam, & negligat mo-
nitionem ad sex alios menses, privari potest, *Lott.*
l. 3. q. 27. à n. 79. Si autem ignoretur, ubi sit, aut sit
in loco, quo conveniri non potest, citari debet tribus
vicibus, & post exspectatos à lapsu ultimi perempto-
rii alios sex menses debet privari sive declarari pri-
vatus parochiā ob non residentiam, *Lott. Leur. q. 390.*
& seqq. Si ante privationem compareat, audiri de-
bent causæ excusantes absentiam; si compareat post
privationem, & causæ inveniantur justæ subvenitur
remedio restitutionis in integrum, *Lott. Leur. q. 394.*

§. X. Parochus fruens decimis tenetur concur- 607

rere ad reparationem domūs parochialis & Ecclesiæ,
nisi consuetudo onus illud imposuerit parochianis,
Azor p. 2. c. 9. q. 10. Barb. de Off. Paroch. c. 13. à
n. 2. Vide Leur. q. 433.

§. XI. De jurisdictione & potestate Parochi in 608

ordine ad administrandum Sacramentum poeniten-
tiæ aut ad delegandam ad hoc potestatem, dicetur
l. 6. Notat autem cum aliis *Leur. q. 447.* in locis Re-
gularium exemptis, Parochum non retinere jurisdi-
ctionem, quamvis eam retineat Episcopus & Capi-
tulum Cathedrale; in propria autem Ecclesia præ-
cedit

cedit Parochus omnes , etiam in majore dignitate Ecclesiastica constitutos. Vide *Leur.* q. 448. Quid possit quoad impediendas varias functiones Regularium, & quoad ædificationem novorum Monasteriorum , videri potest *Leur.* q. 442. & seqq. Item quid possit aut debeat facere circa bona sua Ecclesia, habet *Leur.* q. 445. & seqq. ; Non potest autem ferre censuras, quia hoc spectat ad jurisdictionem fori externi ; Denique de jure Parochi , maximè circa funera , portionem canonicanam, oblationes, decimas, primitias, videri potest *Leur.* q. 449. & seqq. , & aliqua addenius à n. 1361.

609 §. XII. Quæ sit Parochi obligatio quoad conciones, dictum est l. 3. p. 1. à n. 763. Item à n. 767, quandonam potissimum peccet in officio ; Item à n. 749. , an teneatur ad Curam per seipsum. Item à n. 754. , quæ sit ejus obligatio tempore morborum & belli. Item à n. 762. , an quandoque teneatur Missam offerre pro parochianis. Quomodo autem & sub qua poena teneatur habere intentionem recipiendi Sacerdotium, illudque intra annum recipere, dicetur n. 748. & 859. ; item de obligatione faciendi professionem fidei , dicetur n. 740. Denique legenda est à Parocco admonitio , quam ad Pastores sui gregis habet Deus, *Isaie* 34. *Dices pastoribus &c.*

610 Q. 80. *Quænam beneficia conferri debeant per concursum.* R. Generalis regula est ex Trid. Ses. 24. c. 18. de Ref., & ex Bulla Pii V. In conferendis beneficiis, 4. , quæd omnia beneficia parochialia conferri debeant per concursum, ad quemcumque collatio spectet, etiam si ad Abbates, ad emptos, ad Papam ipsum. Exceptiones tamen sunt multæ, quas recensent Barb. de off. Paroch. c. 2. à n. 14. & iterum n. 126. *Castrrop.* t. 13. d. 3. p. 2. §. 5. Nicol.